



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 12. Liturgia Hispaniæ.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII *neant.* (*) *Quarta oratio præmittitur*
 A. C. 636. *osculo Pacis & Charitatis, ut omnes ani-*
mo reconciliati per Sacramentum Corporis
& Sanguinis Jesu Christi uniantur. In
quinta præparamur ad Sanctificationem
Oblationis dum Creaturæ terrestres &
Angelorum Cælestes Exercitus ad laudan-
dum Deum invitantur. Nempe illud
est, quod Præfationem appellamus. Tum
S. Isidorus prosequitur: Sexta est Con-
firmatio Oblationis per Spiritum San-
ctum sanctificatæ. Ultima est Oratio
 c. 16. 17. *Dominicalis.* Post istas septem Sacri-
 ficii Collectas S. Isidorus ponit Symbo-
 lum Nicenum & tandem Benedictionem
 populi.

§. XII.

Liturgia Hispaniæ.

Omnes hæ Collectæ & in eodem ordi-
 ne adhuc hodie visuntur in Missa
 Mozarabica, id est vetere Liturgia Hi-
 spaniæ, cujus præcipuus Auctor S. Isido-
 rus habetur. In hac Missa sicut in no-
 stra initio dicitur *Introitus* cum aliquot
 versibus Psalmi. Tum *Gloria in Ex-*
celsis extra Adventum & Quadragesi-
 mam, & prima Collecta. Deinde legi-
 tur

Mabill. I.
Liturg.
Gall. c. 2. p.
 10.

(*) Hic probatur constans Ecclesiæ consue-
 tudo contra Protestantes. Oratur in Missa pro
 Defunctis, utique non illis, quorum animæ jam
 vel in Cælo, vel in Inferno sunt.

tur Prophetia seu Vetus Testamentum, ^{Sæculum VII}
 Graduale, Epistola & Evangelium, quod ^{A. C. 636.}
 sequitur Alleluja. Tunc fit oblatio, ^{Bona I. Li-}
 sub qua Sacerdos aliquas preces, similes ^{turg. c. II.}
 nostris recitat. Deinde cantatur Offer-
 torium, quod Sacrificium vocant; & huc
 usque appellatur Missa Catechumeno-
 rum. Tum Sacerdos lavatis manibus,
 & dicta oratione secreta salutatur popu-
 lum, & elata voce recitat orationem, quæ
 proprie Missa appellatur, quia est ini-
 tium Missæ Fidelium, estque etiam pri-
 ma inter illas septem, quas S. Isidorus
 memoravit. Ea continet exhortationem
 ad populum, ut Festum Sancte celebretur,
 qua recitata populus ter dicit: *A-*
gios, id est Græce Sanctus. In Colle-
 cta secunda Sacerdos postulat a Deo, ut
 non respiciens peccata nostra preces no-
 stras benigne suscipiat, & subjungit: *E-*
piscopi nostri, scilicet, Papa Romanus ce-
terique offerunt Deo Sacrificium suum
pro se, pro Clericis suis & populo. Pres-
byteri quoque omnes, Diaconi, Clerici po-
pulusque tibi offerunt, memoriam agen-
tes Sanctorum Apostolorum & Marty-
rum. Hic eorum nomina elata voce re-
citantur. Tum addit Sacerdos: Et pro
animabus Defunctorum, Hilarii, Atha-
nasii, Martini, Ambrosii, Augustini,
Fulgentii, Leandri, Isidori. Quibus
 nomina plurium aliorum Episcoporum
Hist. Eccles. Tom. IX. C Tole-

Sæculum VII Toletanorum adjuncta fuere. Hæc
 A. C. 636. consuetudo Sanctorum Episcoporum
 Nomina eum ceteris Defunctis omnibus
 recitandi inde esse creditur, quod pri-
 mis temporibus non nisi SS. Martyres
 publice invocari solerent.

*Bona II. Li-
 turg. c. 14.
 n. 4.*

Sequitur Oratio tertia, quæ vocaba-
 tur *Post Nomina*, ubi Sacerdos pro Vi-
 vis & Defunctis orat. Oratio quarta
 recitatur pro Pace, qua Sacerdos præ-
 sentes exhortatur ad concordiam perfe-
 ctam, moxque alter alteri osculum San-
 ctum figit. Tum Sacerdos dicit: *In-
 troibo ad Altare Dei*, & expansis mani-
 bus voce elata pronunciat Orationem
 quintam, quæ vocatur *Illatio*. Hæc Præ-
 fationi nostræ respondet, & Mysterium
 seu Historiam Festi incidentis summatim
 continet. In fine dicitur: *Sanctus* sicut
 in nostra patria. Postea Sacerdos incli-
 natus pronunciat preces Consecrationis,
 quas Canonem appellamus, easque S. I-
 sidorus non memorat, forte quia sub-
 missa voce pronunciantur. Hæ preces
 in plerisque Missis diversæ sunt & non
 nunquam breviores, quam Præfatio. Se-
 quitur Oratio sexta, quæ *Post pridie* vo-
 catur, qua Sacerdos petit sanctificari
 Hostiam, eosque, qui ejus participes fu-
 turi essent. Id vero non ideo fit, ac si
 Hostia non jam ante per Verba Confe-
 crationis sanctificata fuisset; sed videli-
 cet

cet omnes preces unum totum consti-
tuunt; hinc aliæ Liturgiæ, ut superius
annotavi, has jam præponunt, jam post-
ponunt.

Sæculum VII
A. C. 636.
Sup. Lib.
XXXI. §. 36

Sacerdos deinde Antiphonam, quæ
fractionem Hostiæ præcedit, recitat, &
Hostiam super Calicem, ut eam popu-
lus videat, tenens dicit: *Confiteamur*
ore, quod corde credimus. Tunc Cho-
rus cantat Symbolum Nicenum, seu po-
tius Constantinopolitanum, Sacerdote
interim Hostiam frangente & dividen-
te in novem Particulas, quas super Pa-
tenam in formam Crucis disponit. Sin-
gulis Particulis Nomen suum est, videli-
cet: *Corporatio*, id est, *Incarnatio*, *Na-*
tivitas, *Circumcisio*, *Apparitio*, *Passio*,
Mors, *Resurrectio*, *Gloria*, *Regnum.*
Tum Sacerdote agente Memoriam vi-
vorum, & Orationem Dominicam pro-
nunciante, ad plerasque petitiones po-
pulus respondet: *Amen!* immittit dein-
de in Calicem Particulam, quæ vocatur
Regnum, dicens: Sancta Sanctis! & si-
cut nos mentionem de Conjunctione
Corporis & Sanguinis facit. Mox Bene-
dictionem, nostræ Benedictioni Episco-
pali in Festis solemnibus dari solitæ simi-
lem, impertitur. Tum accipiens Parti-
culam, quæ vocatur *Gloria*, & supra
Calicem tenens, agit Memoriam Defun-
ctorum. Sumit hanc Particulam, tum

Sæculum VII omnes reliquas & pretiosum Sanguinem.
A. C. 636. Cantatur Communio, Sacerdos recitat
 Collectam, quam Postcommunionem ap-
 pellamus, & tandem Diaconus populum
 dimittit. Talis est Missa Mozarabica,
 quæ hodie non amplius, nisi in unico Ec-
 clesiæ Toletanæ Oratorio celebratur.

§. XIII.

Disciplina hujus Sæculi.

Liber Officiorum S. Isidori plures alios
 de Disciplina Ecclesiastica Articulos,
 quos memorare operæ pretium est, com-
 plectitur. In tota Ecclesia Fideles Ev-
 charistiam jejuni accipiunt, & aquam vi-
 no miscere oportet. Qui per peccatum
 mortui sunt Gratia, antequam accedant,
 pœnitentiam agant. Hæc cum de pœ-
 nitentia publica accipi vix possint, de Se-
 creta sunt intelligenda. Ceteri a Sacra
 Mensa diu non absint. Conjuges per
 aliquot dies, antequam communicent,
 se contineant. *In universa Ecclesia Sa-
 crificium offertur pro mortuis; hinc Tra-
 ditionem Apostolicam esse merito credi-
 mus.* Festa Ecclesiæ sunt: Omnes Dies
 Dominici, Nativitas Christi, Epiphania,
 Dominica Palmarum, Dies Jovis, Vene-
 ris & Sabbatum in Hebdomada Majore,
 Pascha, Ascensio, Pentecostes, Festa A-
 postolorum & Martyrum, Dedicatio Ec-
 clesiarum. Hæc Festa sapienter in eum
 finem

1. Off. c. 18.

c. 24. 25. &c.

e. 35.